

夢

宋

吳自牧著

梁

錄

上冊

進步書局校印



宋 吳自牧著

夢梁錄

上海進步書局印行

夢梁錄提要

夢梁錄一書為宋錢塘吳自牧先生撰為南渡後臨安事湖山名勝上恬下嬉宮室寺觀之華美飲食服飾之講求無不盡態極妍小朝廷荒嬉景象敘述綦詳名曰夢梁其命意可知矣

夢梁錄序

昔人卧一炊頃而平生事業數厯皆偏及覺則依然故吾始知其為夢也因謂之黃
梁夢矧時異事殊城池苑囿之富風俗人物之盛焉保其常如疇昔哉緬懷往事殆
猶夢也名曰夢梁錄云脫有遺闕識者幸改正之毋哂甲戌歲中秋日錢塘吳自牧
書

夢梁錄目錄

卷一

正月

元旦大朝會

立春

元宵

車駕詣景靈宮孟饗

二月

八日祠山聖誕

二月望

卷二

三月佑聖真君誕辰附

諸州府得解士人赴省闈

蔭補未仕官人赴銓

清明節

諸庫迎煮

州府節制諸軍春教

二十八日東嶽聖帝誕辰

暮春

卷三

四月

皇太后聖節

宰執親王南班百官入內上壽賜宴

皇帝初九日聖節

僧寺結制

五月重午附

士人赴殿試唱名

卷四

六月 崔真君誕辰附

七月 立秋附

七夕

解制日 中元附

八月

中秋

解圍

觀潮

卷五

九月 重九附

明裡年預教習車象

明堂差五使執事官

駕出宿齋殿

五輅儀式

差官輶祭及清道

駕詣景靈宮儀仗

駕回太廟宿奉神主入室

駕宿明堂齋殿行裡祀禮

明裡禮成登門放赦

郊祀年駕宿青城端誠殿行郊祀禮

卷六

十月

孟冬行朝饗禮遇明禋歲行恭謝禮

立冬

十二月

除夜

十一月冬至

卷七

杭州

大河橋道

小河橋道

西河橋道

小西河橋道

倚郭城南橋道

倚郭城北橋道

禁城九廂坊巷

卷八

大內

德壽宮

太廟

景靈宮

萬壽觀

御前宮觀

西太乙宮

佑聖觀

顯應觀

四聖延祥觀

三茅寧壽觀

開元宮

龍翔宮

宗陽宮

卷九

三省樞使諫官

六部

六部監門

諸寺

祕書省國史敕令附

諸監

大宗正司

省所

六院四轄

三衙

閣職

監當諸局

諸倉

內司官

內諸司奉安

卷十

諸官舍

府治

運司衙

后戚府

諸王宮

家廟

館驛

本州倉場庫務

點檢所酒庫

安撫司酒庫

廂禁軍

防隅巡警

帥司節制軍馬

卷十一

諸山巖

嶺

諸洞

溪潭澗浦

井泉

池塘

堰閘渡

卷十二

西湖

下湖

浙江

城內外河

湖船

江海船艦

河舟

卷十三

兩赤縣市鎮

都市錢會

團行

鋪席

天曉諸人出市

夜市

諸色雜買

卷十四

祠祭

山川神

忠節祠

仕賢祠

古神祠

土俗祠

東都隨朝祠

外郡行祠

卷十五

學校

貢院

僧塲寺塲

城內外諸宮觀

城內外寺院

古今忠烈孝義賢士墓

歷代古墓

卷十六

茶肆

酒肆

分茶酒店

麵食店

葷素從食店諸色點心事件附

米鋪

肉鋪

養鋪

卷十七

歷代人物

狀元表

武舉狀元

后妃列女

歷代方士

歷代方外僧

行孝

卷十八

民俗

戶口

物產

穀之品 絲之品 帛之品 貨之品 菜之品 果之品 竹之品

木之品 花之品 藥之品 禽之品 獸之品 蟲魚之品

免本州歲納及苗稅

免本州商稅

恩需軍民

恤貧濟老

卷十九

園囿

瓦舍

塌房

社會

閒人

僱覓人力

四司六局筵會假賃

卷二十

嫁娶

育子

妓樂

百戲伎藝

角觥

小說講經史

夢梁錄目錄終

夢梁錄卷一

宋 錢塘吳自牧著

正月

正月朔日謂之元旦。俗呼為新年。一歲節序。此為之首。官放公私僦屋錢三日。士夫皆交相賀。細民男女亦皆鮮衣往來拜節。街坊以食物動使冠梳領抹。緞匹花朵玩具等物。沿門歌叫關撲。不論貧富遊玩。琳宮梵宇。竟日不絕。家家飲宴笑語。誼誼。此杭城風俗。疇昔侈靡之習。至今不改也。

元旦大朝會

元旦侵晨。禁中景陽鐘罷。主上精虔炷天香。為蒼生祈百穀于上穹。宰執百僚侍班于宮門之次。猶見疎星遠建章。但禁門未啟。而蝦蟆梆鼓並作攢點。即放魚鑰。闔闔門下方啟。龍闥執挺人傳呼頭帽。號紛然。衛士雜廷紳報到。闔開百僚聯轡入宮城。簇擁皆從殿廡行。遇大朝會。駕坐大慶殿。有介冑長大武士四人。立於殿陛之角。謂之鎮殿將軍。殿西廡皆列法駕。鹵簿儀仗。龍墀立青涼繖十把。效太宗朝立諸國王班次。如錢武肅孟蜀王等也。百官皆冠冕朝服。諸州進奏吏各執方物之貢。諸外國

正副賀正使隨班入賀。百僚執政俱於殿廊侍班。而閣門催班吏高喚云：「那行吏進。」序班立畢。內侍當殿厲聲問班齊未。禁衛人員隨班奏班齊。千官聳列朝儀整已見。龍章轉御屏。日表纔瞻臨玉座。連聲清蹕震班庭。上御正衙。有綠衣吏執儀劍突趨殿前。聲諄厲不可曉。乃大瑞走辦耳。宰執百僚聽召宣領班舞蹈。皆稱壽再拜。聲傳折檻邊。禁衛人高聲嵩呼。聲甚震。名為繞殿雷。樞密臣候稱壽畢登殿。立折檻側。百僚俱鞠躬聽制。宣制曰：「履茲新慶。與卿等同朝賀畢。就殿賜燕。」宰執百僚外國正副使人次日就館賜宴。使副及三節人俱與焉。翼日至明慶靈隱等寺燒香。次至玉津御園射弓。朝家選能射武臣伴射。就園賜宴。先列招箭班士十餘人于垛子前。使人多用弩子射。其班士裹無腳小帽子。錦襖子。路開弩子。舞旋搭箭。過與使人。彼窺得端正。止令人發牙。例朝廷差來伴射武臣用弓箭。中的則得捷。上賜閤裝銀鞍馬匹。衣帛金銀器物有差。迎迓還舍。觀者紛然。如朝使入朝辭。賜宴餞行。仍賜馬匹銀帛。禮物甚盛。三節人依例給賜而去。

立春

臨安府進春牛于禁庭。立春前一日。以鎮鼓鑼吹妓樂。迎春牛往府衙前迎春館內。